



**NASARIN MISIN
INTERNATIONAL**

**WIK BILONG
PREA LONG
OLGETA HAP
GRAUN**

20

22

LISTA BILONG OL TOK

DEI 1

**Board bilong General
Superintendents**

DEI 2

Africa

DEI 3

Asia-Pacific

DEI 4

Eurasia

DEI 5

Mesoamerica

DEI 6

South America

DEI 7

USA/Canada

TOK I GO PAS

Long taim bipo yet, Nasarin Misin International (NMI) i bin prea long wok bilong sios i ken go long olgeta hap graun. Nasarin Sios long 164 kantri i wok hat long bungim olgeta manmeri bilong God long prea.

Dispela bel hangre long prea i no stap long Nasarin Sios tasol. Bel hangre long wok misin na wok bilong kingdom bilong God i stap long bel bilong olgeta bilip manmeri. Pasin bilong Prea long wok misin i stat long 1887 i kam, na nau, yumi kolim World Dei Bilong Prea.

Dispela World Dei bilong Prea i stap long olgeta sios, na i save kamap long nambawan Fraide long mun Mas long olgeta yia.

Long 1996 NMI i luksave long dispela World Dei bilong Prea na prea long Nasarin brata na susa long olgeta hap graun. Yumi Nasarin Sios tu i sanap wantaim ol brata na susa bilong arapela sios long pasin bilong prea long dispela World Prea Dei.

Tenkyu long bung wantaim long dispela wik bilong prea.

DEI 1

BOARD BILONG GENERAL SUPERINTENDENTS

Insait long tupela krismas i go pinis, sios i lukim planti senis long dispela bikpela sik korona long olgeta hap graun. Taim senis i come long sios, yumi tu lukim nupela rot wer sios i move na lainim nupela bilong wok ministri long mekim man meri i kamap disaipel bilong God long olgeta hap graun. Planti taim ol pastor bilong yumi i go pass na i nidim prea na sapot bilong yumi. Ol ino gat inap strong na nidim strong bilong God na helpim bilong ol arapela kristen.

Long dispela taim, yumi tu tingim ol district Superintendents, na Field Strategic Co-ordinator (FSC) na ol Regional Director long prea bilong yumi. Ol tu painim nupela rot long wok mas go yet long strongim wok bilong ol long autim Gutnius. Olgeta man meri i painim rot



bilong kisim helpim, na Gutnius bilong Jisas Kraist inap long senisim laip bilong ol na givim gutpla sindaun long ol.

Yumi wok yet long tokaut long dispela "Rot blo marimari" (Journey of Grace) long olgeta hap graun. Dispela wok bilong soim man long Kraist, long marimari i stap pastaim taim, long marimari bilong God i kism bek ol man meri long banis blo sin, na marimari bilong God i wok long mekim yumi moa olsem em, i ken kamap lo laip bilong umi ol nasarin. Long pikinini i go long lapun man meri, yumi autim tok long ol husait i laik save long Jesus Christ. Long liklik



DEI 1

BOARD BILONG GENERAL SUPERINTENDENTS



pikinini i stap lo haus blo kisim helpim long Africa or man God i kisim bek long banis bilong sin long America, God i wok yet. Yumi mas prea long painim kainkain rot long kisim ol man long olgeta hap graun long kam luksave long God.

Yumi prea long God bai helpim yumi wok moa long skelim Gutnius bilong Jisas Kraist long olgeta hap graun. Nau long dispela taim, ol goveman tu i taitim rot na mekim hat liklik long kisim ol pepa long go long

narapela country. Long wankain taim, God i singautim yumi long wok bung wantaim na kisim ol man meri long olgeta hap graun i come luksave long God. Sampla God I singautim u lo wok lo komuniti bilong yu, na sampla God i singautim long go long narapla hap kantri lo tokim ol man meri long Jisas Kraist. Mario na Martinez harim singaut na lusim ples bilong ol long South America na go long Africa long wok missionary. God i usim ol long bikpela way long senisim ol community long hap.



DEI 2

AFRICA

TOK AMAMAS

T ok tenku long ol ordination lotu i kamap long Africa Region: Côte d'Ivoire, South Africa, Mozambique, Angola, and Cape Verde. Mipela hamamas long God i wok yet long singautim ol man meri long Africa. Sios long Africa harim singaut bilong God na go strong moa yet.



Côte d'Ivoire



South Africa



Mozambique



Angola



Cape Verde

DEI 2 AFRICA

TOK AMAMAS

Mipela amamasim 120 Krismas bilong Nasarin sios i kam nupela long Cape Verde na go aut long olgeta hap long Africa. Dispela wok amamas i start long Santiago Islands. Ol hetman bilong kantri na moa long 1,000 man meri kam long dispela bung. Bikpela amamas bung i kamap long Brava Isla. Dispela ples em hap wer Rev Joao Jose Dias i statim Nasarin sios 120 krismas go pinis. Mama karim em long Cape Verde. Bihain em igo stap long Amerika. Em kamap Kristen long Amerika na bihain em i go back long Cape Verde na autim Gutnius long ol lain bilong em. Em i karim planti hevi long stat bilong wok mission tasol God i blesim dispela kantri. Olsem, na nau Sios long Cape Verde i amamasim 120 krismas bilong Nasarin Sios.



DEI 2


AFRICA

PREA POINT

Prea long kantri Eswatini. Pait i stap namel long govman na ol pipol. Olsem na prea long belisi i ken stap namel long ol pipol na lida.

Prea long bel isi long tupela group long Ethiopia. Pray olsem ol lida long tupela sait bai noken pait moa na kamapim toktok na rot bilong bel isi na gutpela sindaun.

Prea long Africa Region i ken startim nupela way long wok mission ol i kolim "Hub Strategy" wer Board bilong General Superintendents i givim tok orite. Ol het man gmeri long region bilong Africa bai lukluk long ol hap i needim helpim long strongim ol sios, na tu kamap sios bilong salim ol man i go aut. Regional office blo Africa bai go stap long tripela hap: Abidjan (Côte d'Ivoire), Johannesburg (South Africa) and Nairobi (Kenya).



DEI 3

ASIA-PACIFIC

TOK AMAMAS

Tok tenkyu long God long one one man meri i harim singaut long wok olsem missionary na pasta na husait i statim wok pinis.

Tenku long Austalia na New Zeland Field i wok bung wantaim New Zealand Govman (New Zealand Tea Fund) long mekim onepela fundraising long bungim mani na helpim Kudjip hausik long Papua New Guinea. Ol kamapim moni mak olsem K875,000 long helpim long sik Korona long Papua New Guinea Highlands.

Philippines-Micronesia Field kamapim moni mak olsem K12,320.00 bilong Myanmar long givim ol districts na tu long 17pla sumatin long Asia-Pacific Nazarene Theological Seminary husait i painim hat long go bek long ples blong ol bilong wanem, sik korona i stap na bikpela pait i stap long kantri Myanmar.

Sealands Field i skelim 4,000 belo kaikai go long ol one solwara lo taim bilong sik korona. Long dispela taim tu, ol skelim tok bilong God long ol dispela lain.



PREA POINT

Prea long ol local sios lo Asia Pacific Region can saportim ol fivepela het tok blong NMI•

Prea long South East Asia Field na Chapman International College long kamapim 500 sios, 80 campus extension centers, na 15,000 full members long 2025.

DEI 3

ASIA-PACIFIC

STORI BILONG GIVIM BIKNEM LONG GOD

Dispela stori i bilong wanpela Nasarin pasto stap insait long Sealands Field. Namel long wok pasto, em i helpim komuniti long planim man meri i dai long sik korona.

Taim sik korono i kamap bikpela long Indonesia, ol man i planim bodi nabaut nabaut. Gavman i tok nogat long ol family kam klostu, na tu ol pastor na pris pret long kam klostu long holim lotu bilong daiman.

Long dispela taim, onepla strongpla kristen member blo sios blo mipela tu i bin dai long sik korona. Mi go long ples bilong planim bodi na sanap longwe na mi lukim ol wokman i usim ol bikpela masin na trome bodi blo em antap long ol narapela bodi olsem ol animal.



Mi pilim sore stret na askim ol sapos ol i ken tok orait long mi i ken planim ol dispela bodi. Sampla pastor i no laik long planim body, tasol mi pilim sori tru. Mi holim lotu na planim ol dispela body.



Dispela wok bilong planim ol bodi i kamap bikpela tumas long wanem, 200 manmeri wok long dai wan de wan de. Tasol mi tok tenkyu long God olsem mi inap helpim komunity blo mi long dispela rot.

DEI 4

EURASIA

TOK AMAMAS

God i opim planti dua long surukim wok blong skul, training na disaiplim man meri long dispela region.

Bikpela i karim ol misineri kam long wok longpela taim, sotpela taim, na tu ol papa graun wok misin long kisim ol manmeri kam luksave long Kraist.

Nupela ordained pastor i go long ol ples wer Nasarin Sios ino stap bipo.

Ol yangpela manmeri i gat bel hangere long prea na sapatim wok bilong God.

PREA POINT

Prea long Holi Spirit i ken wok long bel na tingting bilong ol man meri i ken tingim God na wokabaut wantaim em.

Prea long God i ken singautim ol man meri, yangpela na olupela long wok pasto na tisa long soim rot bilong holiness.

Prea long God i ken helpim ol bilip manmeri long go insait long komunity long helpim ol lain husait i painim hat long kam long sios.



DEI 4

EURASIA

STORI BILONG GIVIM BIKNEM LONG GOD

Ol yangpela i go pas long bringim ol manmeri kam long Kraist.

Wanpela yangpela meri, krismas bilong em 18 i wok strong long komunity bilong em na holim Baibel

Stadi. Long dispela wok, brata bilong em itanim bel na bihain em ikamap member bilong JISAS FILM team.



Jisas Film team i serim dispela testimoni.

Mipela i amamasim Independence Day bilong India wantaim ol trangu pikinini. Mipela prea wantaim long kantri bilong mipela, toktok long gutpela sindaun na singsing

wantaim ol. Ol pikinini i amamas tru long harim stori bilong ol man pait long kamap pri long kantri bilong ol. Bihain mipela soim Jisas Film na ol i lukim stori bilong Jesus, man husait i pait strong long man i ken stap fri long kalabus bilong sin. Namel long ol pikinini, wanpela yangpela meri nem bilong em Jyothi i krai taim ol i nilim Jisas. Taim piksa pinis, em i askim bilong wanem na ol i kilim Jisas? Team bilong mipela bekim em na tokim em long laikim bilong God long em na mipela olgeta. Jyothi nau kam long Sios na Sande Skul olgeta taim. Mipela litimapim nem bilong Bikpela long wok em mekim long laip bilong Jyothi.

DEI 5 MESOAMERICA

TOK AMAMAS

Long dispela yia mipela salim planti misionari i go, ino olsem bipo. Ol volunteer misinari i kamapim gutpela wok insait long ol city na kantri. Ol i givim 9,273 dei na 222,552 hour i go long Nasarin minisari wok.

Namel long taim bilong sik korona, planti Nazarene i kisim bikpela hevi long taim family memba bilong ol i dai long dispela sik. Klostu 18,000 manmeri i kam bung wantaim long prea na lotu long internet.

Mipela givim biknem long God olsem insait long taim blo sik, planti yangpela manmeri i kisim training long wok long Youth Ministry. Dispela training i helpim ol yangpela long autim gutnius bilong God lo ol arapela yangpela na ol i kam luksave long bikpela.



Mipela givim biknem long God long region i kamapim 400 lida husait inap kamap counsellor na givim stia long ol manmeri na ol lain i kisim singaut long kamap pasto na lida long ol Baibel Koles.

Amamas long God I givim nupela strong long Nazarene Sios long Mesoamerica region taim ol i holim 80 days Prea insait long 2021.

DEI 5

MESOAMERICA

PREA POINT

Prea olsem dispela yia yumi ken salim 20 misineri go long ol bikpela taun long Mesoamerica.

Prea long Bikpela ken helpim local NYI iken inapim driman bilong regional NYI.

Yumi askim Bikpela long sios insait long Mesoamerica I ken tingim bek long singaut blo God long laip bilong ol, na prea long Holi Spirit iken wok long laip bilong ol Nazarene long fulfillim Great Commission.

Prea long olgeta sios long Mesoamerica iken gat spirit bilong helpim na strongim narapela long bilip bilong ol.

Prea long mipela ken wok moa long training, lainim na wokabaut insait long marimari bilong God (Journey of Grace).

STORI BILONG GIVIM BIKNEM LONG GOD

Mesoamerica region i liftimapim nem bilong God long gutpela wok ikamap long taim SDMI itokaut na skulim ol manmeri long pasin bilong wokabaut insait long marimari bilong God (Journey of Grace). Global SDMI Director Dr. Scott Rainey in holim wanpela training long English, Spanish na French wer moa long 600 manmeri i kam harim long internet. Nau mipla skulim ol narapela insait lo Sande Skul Klas, cell group na mun training. Mipela i amamas lo kisim gupela ripot lo wok bilong disaipelsip i kamap long lokol sios.



DEI 6 SOUTH AMERICA




TOK AMAMAS

Yumi liftimapim nem bilong God long Boat Project long Peruvian Amazon. Dispela project ikamapim fivepela boat bilong strongim wok bilong misineri, wok evangelism na strongim ol sios long Loreto District.



Yumi liftimapim nem bilong God bilong wanem, namel long sik korona, planti tok yes long singaut long wok misineri na pasto na redi long go aut. Last yia sevenpela I kisim tok orait, na sampela igo pinis.



Yumi tok tenkyu long God long wanpela team ol kolim ProduSam ihelpim region long holim miting long internet.



Yumi liftimapim nem bilong God long nupela sios, preaching point na ol liklik group husait inap long bung yet namel long taim bilong sik korona.



DEI 6

SOUTH AMERICA

PREA POINT

Prea long ol pasto na misineri husait I go insait long bikpela hevi bilong sik korona. Long Oktobe 2021 i kam 46 pela pastor i lusim laip na planti ol pastor i bin kisim dispela sik. Yumi prea long God bai givim ol bel isi na strongim bodi na spirit wantaim.

Prea long ol misineri na pastor long tenpela kantri long region. God I ken helpim ol lo surukim tok bilong God lo ol nupela hap wer region I gat tingting lo go lo em.

Prea long ol kainkain traing long region wer local sios iken kisim helpim. Yumi prea long ol lida husait istap pinis na husait bai kam bihain long wokim wok aninit long olgeta ministry insait long region.

STORI BILONG GIVIM BIKNEM LONG GOD

Taim sik korona ino come yet, ol lida long kantri Paraguay i bin bung na kamapim sampla wok mak long planim ol sios. Bel bilong ol i kirap long wokim dispela wok na sampela missionary wantain nesenol lida I kisim challenge na strongim tingting long wok. Behain tasol long taim sik korona i kam, ol man i pret na tingting planti long dispela wok bai kamap or nogat. Tasol dispela team i lukim strong bilong God. Maski sios dua i pas, ol pasta na misionari wok yet long autim tok, kamapim nupela preaching point na nupela cell group. Long dispela wok elevenpela sios i opim dua long kommunit namel long taim bilong sik korona. God i kisim biknem long dispela.



DEI 7

USA/CANADA

TOK AMAMAS

Tok tenkyu long 27 misinari long sixteenpla district long USA/Canada i harim singaut blo God na go wok misin long 2021. Yumi tok tenkyu olsem namel long hevi ol manmeri wok long harim singaut bilong God na go yet lo wok misin.

Yumi amamas long Wok na Witness bung ikamap long pinis bilong 2021. 680 manmeri kam long dispela bung. Insait long tupela yia go pinis em ihat liklik long go long narapela kantri tasol sampela tingting istap bilong helpim ol man iken go out long wok misin.

PREA POINT

Prea long ol family na komuniti bilong ol lain husait i dai lo sik korona, na prea long lokol na district NMI presidents insait long Amerika na Canada.

Prea olsem sios bai wok more wantaim ol narapla kantri long ol narapla hap graun. Long dispela rot bai region i ken wok bung wantaim long growim kingdom bilong God moa yet.

Bung wantaim USA/ Canada insait long “hap million prea Mobilization” long June 2022. Prea long lukautim bilong Bikpela long region na long steer na revelation bilong em.



HALF-MILLION MOBILIZATION

DEI 7

USA/CANADA

STORI BILONG GIVIM BIKNEM LONG GOD

Long June 2021, Encuentro Missions i kamapim tripla ples long wokman bilong ol bai helpim manmeri long USA/Canada region; wanpela long Indianapolis, narapela long Appalachia na narapela long South Texas. Ol dispela mix group man meri long region i come wok bung wantaim long helpim lokol komuniti lo VBS, camp bilong pilai, wokim haus na hausik na tokaut long gutnius na pasin bilong wok bung wantaim narapela. Long 2021, dispela group wok long 35 pela projek long dispela tripla hap na 700 man meri i bin kam.



Long 1966 i kam nau, Eucentro Missions i wok long supportim ron blo wok mission insait long America, Canada, Mexico, Bahamas, Puerto Rico, Peru, Guatemala, na Costa Rica. Moa long 250,000 sumatin na man meri istap insait lo dispela wok. Long wok blo Encuentro, moa long 2 million pikinini na ol papa mama i harim gut nius blo Jesus Christ. Plis prea planti long dispela taim we Encuentro Mission bai pinisim wok na kam bek long Appalachia na Puerto Rico long six mun bilong 2022.

WIK BILONG PREA LONG OLGETA HAP GRAUN 2022